

բաժանումը նորմատիվային պահանջ չէ: Ավտոուղեգրերում ԳԱԶ 3309 մակնիշի հատուկ մեքենաների համար, որոնք թվով 10 են, հատուկ մեխանիզմի աշխատանքի համար նորմատիվային վառելիքի ծախսի չափ 2017թ. հունվարի 1-ից մինչև 2018թ. հուլիսի 1-ը ընկած ժամանակահատվածի համար սահմանվել է 2.2 լ/ժամ, իսկ 2018թ. հուլիսի 1-ից մինչև 31.12.2018թ.-ը ընկած ժամանակահատվածի համար 3.8 լ/ժամ: Նշված նորմաները հատուկ մեխանիզմների շահագործման գործարանային նորմաներ են, իսկ հստակ նորմա ստանալու համար պետք է կատարվեր խրոնոմետրաժ՝ ելնելով մեքենայի կատարած վազքից, երթից և հատուկ մեխանիզմի միավոր ժամանակի համար վառելիքի փաստացի ծախսից:

2017-2018 թթ. ընթացքում կենցաղային աղբի, ոչ կենցաղային աղբի և խոշոր եզրաչափերի աղբի փոխադրման և աղբավայրում տեղադրման քանակների վերաբերյալ տեղեկատվությունը համայնքապետարանում բացակայում:

Հեղևանք

2017-2018թթ. ընթացքում ավտոուղեգրերում երթերի քանակները չեն նշվել, քանի որ ավտոմեքենաների ցուցիչները հաճախ չեն աշխատել, իսկ «Լոկատոր» համակարգի միջոցով արձանագրված տվյալները հաշվեքննությանը չի ներկայացվել՝ երկար ժամանակով չպահպանվելու պատճառով:

Առկա է անհամապատասխանություն «Աղբահանության և սանիտարական մաքրման մասին» ՀՀ օրենքի 13-րդ հոդվածի մասով՝ համայնքում աղբահանության ծավալների վերաբերյալ տեղեկատվության բացակայությունը հետևանք է այն բանի, որ աղբատար ավտոմեքենաների համար կազմած ավտոուղեգրերում երթերի քանակները չեն նշվել, քանի որ

ավտոմեքենաների ցուցիչները հաճախակի չեն աշխատել: Ավտոուղեգրերում կատարված վազքերը նշվել են՝ «Լոկատոր» համակարգի միջոցով, որոնց վերաբերյալ հաշվարկները երկար ժամանակով չի պահպանվում և հաշվեքննությանը չի ներկայացվել: Աղբահանության ծավալների ճիշտ հաշվարկումը կարող է հիմք հանդիսանալ սանիտարական մաքրման սխեմաների կազմման համար, որը օրենքի պահանջ է հանդիսանում: Աղբատար մեքենաների ավտոուղեգրերը լրացնել ավտոմեքենաների ցուցիչներին համապատասխան՝ հաշվի առնելով փաստացի վառելիքի ծախսը, ինչպես նաև ավտոուղեգրերում նշել կատարված երթերի քանակը:

Առաջարկ

Համայնքի ավագանու հաստատմանը ներկայացնել «Աղբահանության և սանիտարական մաքրման մասին» ՀՀ օրենքի 13-րդ հոդվածով նախատեսված համայնքում առաջացող աղբի ծավալների մոտավոր հաշվարկին, աղբի հավաքմանը, պահմանը,

փոխադրմանը և տեղադրմանը ներկայացվող պահանջները, ավտոուղեգրերը լրացնել՝ նշելով փաստացի կատարված երթերի քանակը և տեղափոխված աղբի ծավալը:

Համայնքապետարանի դիրքորոշումը

Աղբահանության և սանիտարական մաքրման աշխատանքների ընթացքում ծախսված վառելանյութի և ավտոյուղերի ծախսի վերաբերյալ: Վառելանյութի ծախսը ֆիքսվել է ավտոուղեգրերով: Թերություն է համարվել մեքենաների մեկնման և ժամանման վայրերի և ժամանակի չնշելը: Մեքենան մեկնել է ավտոպարկից, շրջել փողոցներում, հասել մինչև աղբադաշտ և վերադարձել ավտոպարկ: Սա ֆիքսվել է նաև “Լոկատոր” համակարգով: Մեքենաների վազքը ցուցիչներից բացի լրացուցիչ ստուգվել է տվյալ մեքենայի գործարանային նորմատիվային ծախսով և “Լոկատոր” համակարգով: Բացիդրանից կատարվել է մեքենաների վազքի խրոնոմետրաժ և համեմատվել նախորդ օրերին կատարվող վազքի հետ: 2017թվականի հունվարի 1-ից մինչև 2018թվականի հուլիսի 1-ը ընկած ժամանակահատվածի համար ԳԱՀ – 3309 ավտոմեքենաների հատուկ մեխանիզմների 2,2 լ/ժամ ծախսը 2018թվականի հուլիսի 1-ից հետո 3,8 լ/ժամ դառնալը բացատրվում էր նրանով, որ նշված մեքենաները 6 տարի շահագործվել են առանց հիմնանորոգման, բնականաբար վառելիքի ծախսը չէր կարող մնալ գործարանային նորմատիվների շրջանակում: Բարեկարգման, կանաչապատման և այլ աշխատանքների դեպքում վառելանյութի ծախսի հաշվարկը, մեքենաների կատարած վազքը հաշվարկվել է նույն ձևով:

Ավտոյուղերի ծախսը հիմնականում կատարվել է լրացման ձևով, որը ձևակերպվում է վառելիքի և քսայուղերի հատկացման ամսական տեղեկագրերում և առկա է բոլոր վարորդների ստորագրությունները յուրի ստացման վերաբերյալ: Սակայն երբեմն մեքենաների հիդրավլիկ համակարգում գործող ճնշման ռետինե խողովակները շարքից դուրս են գալիս, այդ թվում փողոցում աշխատանքի ժամին և տեղի է ունենում յուրի արտահոսք և կորուստ: Ուստի հնարավոր չէ յուրի փոխարինման, լրացման բոլոր դեպքերի համար պատշաճ փաստաթուղթ ստեղծել:

21. Աղբադաշտի հարթեցման աշխատանքների վերերյալ

Անհամապատասխանություն

2017թ. համայնքապետարանը կենցաղային աղբադաշտի հարթեցման նպատակով յուրաքանչյուր տարի կնքել է երկուական պայմանագրեր: Աղբադաշտի հարթեցման աշխատանքներն իրականացվել են պատկանող T-170 տրակտորի միջոցով: 2017թ. աշխատանքների կատարման համար կնքվել են, ընդհանուր գումարով, 9,188.8 հազ. դրամի պայմանագրեր, 2018թ.՝ 9,126.1 հազ. դրամի պայմանագրեր:

2017թ. կնքված պայմանագրերով կատարողը պարտավորվել է յուրաքանչյուր ամիս հարթեցնել 9600 խմ կենցաղային աղբ: Ըստ ներկայացված կատարողական ակտերի յուրաքանչյուր ամիս կատարողը ցույց է տվել պայմանագրերով նշված ծավալի կենցաղային աղբի հարթեցում: Քանի որ աղբավայրում տեղադրված աղբի փաստացի ծավալների հաշվառում չի տարվել, հետևաբար առկա է անհամապատասխանություն աղբավայր

տեղափոխված և տեղադրված աղբի իրական ծավալների և կատարողական ակտերում նշված ծավալների միջև:

Գյումրու կոմունալ ծառայությունում առկա են ակտ-արձանագրություններ, համաձայն որոնց նշված աշխատանքները ոչ բոլոր դեպքերում է կատարվել պայմանագրի պահանջների համաձայն՝ ամեն օր և անընդհատ:

Աղբադաշտի հարթեցման աշխատանքների դիմաց կատարողին վճարվել է 2017թ. 9,186.7 հազ. դրամ և 2018թ.՝ 8,273.2 հազ. դրամ:

Հեղևանք

Աղբավայրի հարթեցման աշխատանքների համար կազմված կատարողական ակտերում նշված աղբի հարթեցման ծավալները գրվել են ելնելով պայմանագրում նշված ծավալներից՝ առանց հիմնավոր հաշվարկների՝ հաշվի չառնելով աղբավայրում տեղադրված աղբի փաստացի ծավալները:

Առաջարկ

Աղբադաշտի հարթեցման աշխատանքների հետ կապված կատարողական ակտերը կազմելիս հաշվի առնել աղբադաշտ տեղափոխված և տեղադրված աղբի իրական ծավալները, առաջնորդվելով կնքված պայմանագրի պահանջներով:

Համայնքապետարանի դիրքորոշումը

Խոշոր եզրաչափերի աղբի տեղափոխման ծավալների հաշվարկի չունենալը պայմանավորված է նրանով, որ երկրաշարժից հետո տարբեր թաղամասերում, հատկապես տնակային ավաններում կուտակված է հսկայական քանակությամբ շին. աղբ: Այն հեռացվում է ինչպես համայնքապետարանի, այնպես էլ բնակիչների ուժերով: Հնարավոր չէ հաշվառել հատկապես քանդված տնակներից հետո առաջացած աղբակույտերի ծավալները: Բացի դրանից 2017թ. հանրապետությունում հայտարարված էր “Մաքուր Հայաստան” ծրագիրը որի շրջանակներում քաղաքի տարածքում արձանագրված թվով 50 ոչ պաշտոնական աղբակույտերից հեռացվել է մոտ 300 ավտոմեքենա կոշտ թափոններ:

22. Ավտոմեքենաների վարձակալության վերաբերյալ

Անհամապատասխանություն

2017թ. համար կնքվել են թվով 4 և 2018թ. համար թվով 9 տրանսպորտային միջոցների վարձակալության պայմանագրեր: Կնքված պայմանագրերի համաձայն՝ վարձակալված տրանսպորտային միջոցների համար 2017թ. փոխանցվել է 3,198.5 հազ. դրամ և 2018թ.՝ 3,967.0 հազ. դրամ: Մասնավորապես, 01.11.2017թ. համայնքապետարանը կնքել է ԿԱՄԱԶ-6520 մակնիշի և CAT 428E բարձիջի վարձակալության

պայմանագիր: ԿԱՄԱԶ-ի համար վարձակալության գումարը կազմել է յուրաքանչյուր ամիս 600.0 հազ. դրամ, իսկ բարձիչի համար՝ 700.0 հազ. դրամ: Պայմանագրով՝ ԿԱՄԱԶ մակնիշի ավտոմեքենան շահագործվել է 1 ամիս, իսկ բարձիչը՝ 2 ամիս: Կազմվել են կատարողական ակտեր, համաձայն որոնց կատարվել են փողոցների հարթեցման և շինարարական աղբի տեղափոխման աշխատանքներ: Պետք է նշել, որ ակտերում աշխատանքների ծավալները նշված չեն, ինչպես նաև նախապես չեն կազմվել թերությունների ակտեր, համաձայն որոնց անհրաժեշտություն է առաջացել համապատասխան տեխնիկայի վարձակալության համար:

2017թ. կնքվել են նաև թվով երեք այլ մեքենաների վարձակալության պայմանագրեր, սակայն որևէ փաստաթղթում /պայմանագիր, ավտոուղեգիր, արձանագրություն/ չի նշվել տվյալ տրանսպորտային միջոցի վարձակալության նպատակը:

Հերևանք

Արդյունքում նշված տրանսպորտային միջոցների վարձակալության պայմանագրերը կնքվել են առանց հիմնավոր հաշվարկների, այն է՝ աշխատանքների ծավալների և կատարման ժամկետների վերաբերյալ:

Առաջարկ

Տրանսպորտային միջոցների վարձակալության պայմանագրերը կնքել անհրաժեշտությունից ելնելով՝ պայմանագրերում նշելով կատարվող ծառայության մատուցման բնույթը, ծավալները և կատարման ժամկետները:

Համայնքապետարանի դիրքորոշումը

Վարձակալած Կամազ-6520 մակնիշի ավտոմեքենան օգտագործվել է Լոռու մարզի Մարգահովիտ գյուղից Գյումրի քաղաքի գլխավոր տոնածառի ճյուղերի տեղափոխման համար: Կամազ մեքենան և բարձիչ տեխնիկան օգտագործվել է նաև Ա.Մանուկյան փողոցի կամուրջի տակ գտնվող տարածքի, Ղորղոբա գետի հունի մաքրման, ինչպես նաև համայնքի տարածքից հողակույտերի, շին.աղբի մաքրման և տեղափոխման, “Մաքուր Հայաստան” ծրագրի իրականացման ուղղությամբ շենքերի փլատակների մաքրման և համայնքի տարածքից հեռացման նպատակով:

23. Կանաչապատման գծով աշխատակիցներին հադկացված աշխատավարձերի վերաբերյալ

2017-2018 թթ. ընթացքում հաստիքացուցակներում կանաչապատման աշխատակիցների թվաքանակը հաստատվել է առանց լիարժեք կատարված հաշվարկների, իսկ նախահաշիվները կազմվել են հաշվի առնելով նախորդ տարիների ընթացքում փաստացի կատարված ծախսերը:

Անհամապատասխանություն

Համայնքի ավագանու կողմից հաստատված համայնքապետարանի աշխատակազմի աշխատակիցների 2017թ.

հաստիքացուցակում ընդգրկվել են նաև կանաչապատման գծով աշխատանքների կատարման թվով 68 աշխատակիցներ, «Գյումրու կոմունալ ծառայություն» ՀԲՀ-ի 2017թ. երկրորդ կիսամյակի համար հաստատված հաստիքացուցակում ընդգրկվել են թվով 61 կանաչապատման աշխատակիցներ և 2018թ. հաստատված հաստիքացուցակում ընդգրկվել են թվով 55 աշխատակիցներ: Պետք է նշել, որ հաստիքացուցակներում կանաչապատման գծով բանվորների աշխատավարձերը յուրաքանչյուր տարի հաշվարկվել է յոթ ամիսների կտրվածքով:

2017թ. ընթացքում կանաչապատման գծով աշխատակիցների փաստացի աշխատավարձը կազմել է 39,798.5 հազ. դրամ, 2018թ.՝ 41,182.5 հազ. դրամ:

Հաշվեքննությանը չի ներկայացվել համայնքի կանաչապատ տարածքների մակերեսների հաշվարկի վերաբերյալ և մեկ աշխատողին բաժին ընկնող կանաչապատ տարածքների խնամքի վերաբերյալ տեղեկատվություն և այլն:

Հերևանք

Արդյունքում, 2017-2018 թթ. ընթացքում հաստիքացուցակներում կանաչապատման աշխատակիցների թվաքանակը հաստատվել է առանց լիարժեք կատարված հաշվարկների, իսկ նախահաշիվները կազմվել են հաշվի առնելով նախորդ տարիների ընթացքում փաստացի կատարված ծախսերը:

Առաջարկ

Կատարել կանաչապատ տարածքների հաշվառում, կանաչապատման աշխատանքներում ներգրավված աշխատողների հաստիքացուցակը հաստատել տվյալ հաշվառումից ելնելով, աշխատողների հետ աշխատանքային պայմանագրերը կնքել ելնելով նրանց կողմից տվյալ աշխատանքում ներգրավվածության աստիճանից:

24. Կանաչապատման համար ձեռք բերված ծառերի, թփերի և սածիլների համար կատարված փաստացի ծախսերի վերաբերյալ

Անհամապատասխանություն

Գյումրու համայնքապետարանը 04.05.2017թ. կնքել է պայմանագիր 400 հատ տարբեր տեսակի ծառերի, 8450 հատ թփերի, 50000 հատ ծաղկասածիլների և 110 կգ գազոնի սերմի ձեռք բերման համար, պայմանագրի ընդհանուր գումարը կազմել է 3,665.0 հազ. դրամ:

Հաշիվ ապրանքագրի դուրս գրման և ապրանքների առաքման ամսաթիվ է նշվել 01.08.2017թ., սակայն համաձայն 28.06.2017թ. կազմած ակտերի, վերը նշված ապրանքները մատակարարի կողմից համայնքապետարանին հանձնվել և վերջինիս կողմից «օգտագործվել» են 2017թ. ապրիլ-մայիս ամիսներին:

Այսպիսով, 2017թ. ընթացքում ծառերի, թփերի և ծաղկասածիլների ձեռք բերման, հանձնման և տեղադրման աշխատանքների կատարման համար կազմած փաստաթղթերում առկա են անհամապատասխանություններ:

«Գյումրու կոմունալ ծառայություն» ՀԲՀ-ի կողմից 2018թ. ընթացքում ձեռք են բերվել 3,310.0 հազ. դրամի ծառեր, թփեր, ծաղկասածիլներ և գազոնի սերմեր: Մասնավորապես՝

«Գյումրու կոմունալ ծառայություն» ՀԲՀ-ի և մատակարար ընկերության միջև 18.04.2018թ. կնքվել է պայմանագիր ծառերի, թփերի և ծաղկասածիլների ձեռքբերման համար՝ ընդհանուր գումարով 2,920.0 հազ. դրամի: Համաձայն տեխնիկական բնութագրի՝ պետք է մատակարարվի 400 հատ տարբեր տեսակի ծառեր, թփեր՝ 8500 հատ, ծաղկասածիլներ՝ 27050 հատ:

Հաշիվ ապրանքագրի դուրս գրման և ապրանքների առաքման ամսաթիվ է նշվել 31.05.2015թ., սակայն համաձայն կազմված ակտի, վերը նշված ապրանքները մատակարարի կողմից համայնքապետարանին հանձնվել է 2018թ. ապրիլ-մայիս ամիսներին, իսկ տեղադրման ակտը կազմվել է 31.05.2018թ.:

Այսպիսով, 2018թ. ընթացքում ծառերի, թփերի և ծաղկասածիլների ձեռքբերման և հանձնման փաստաթղթերում նույնպես առկա են անհամապատասխանություններ:

2018թ. ընթացքում ձեռք է բերվել նաև 100 կգ գազոնի սերմ, որի համար «Գյումրու կոմունալ ծառայություն» ՀԲՀ-ն 18.04.2018թ. կնքվել է պայմանագիր: Պայմանագրի ընդհանուր գումարը կազմել է 390.0 հազ. դրամ:

Հեղևանք

Առկա է անհամապատասխանություն պայմանագրով նաժատեսված ապրանքների մատակարարման ժամկետների և փաստացի կազմված փաստաթղթերի հետ, արդյունքում ստացվում է, որ ծառերը, թփերը և սաղկասածիլները ստացվել են ավելի ուշ, քան կազմած փաստաթղթերի համաձայն դրանք տեղադրվել է համապատասխան վայրերում:

Առաջարկ

Կանաչապատման աշխատանքների համար ապրանքների մատակարարումը կատարել ըստ պայմանագրի ժամանակացույցի, իսկ համապատասխան փաստաթղթերը կազմել ելնելով փաստացի կարված աշխատանքներից:

Համայնքապետարանի դիրքորոշումը

Կանաչապատման համար ձեռք բերված ծառերի, թփերի, սածիլների գնման և հաշիվ-ապրանքագրերի ստացման ժամկետների անհամապատասխանությունը բացատրվում է նրանով, որ մատակարար կազմակերպությունը ժամանակին տրամադրել է պայմանագրով նախատեսված ապրանքները, սակայն էլեկտրոնային հաշիվ-ապրանքագիրը ներկայացրել է ավելի ուշ, թյուրիմացաբար ներառելով ոչ ճիշտ տեղեկատվություն փաստացի մատակարարման վերաբերյալ,

քանզի համայնքապետարանում առկա են ապրանքների իրական մատակարարման վերաբերյալ հանձնման-ընդունման արձանագրությունները:

25. 2017-2018թթ. ընթացքում համայնքի բյուջեից թափառող կենդանիների վնասազերծման համար կատարված փաստացի ծախսերի վերաբերյալ

Անհամապատասխանություն

2017-2018թթ. ընթացքում համայնքի թափառող կենդանիների վնասազերծման աշխատանքների կատարման համար համայնքի բյուջեից փաստացի հատկացվել է 6,639.3 հազ. դրամ, այդ թվում 2017թ.՝ 3,488.1 հազ. դրամ և 2018թ.՝ 3,151.2 հազ. դրամ:

Քաղաքի թափառող կենդանիների վնասազերծման աշխատանքները կատարվել են 2017թ.՝ «Հավերժ հիշատակ» ՓԲԸ-ի կողմից և 2018թ.՝ «Գյումրու զբոսայգիներ և պուրակներ» ՀՈԱԿ-ի կողմից: Գյումրու համայնքապետարանը 2017-2018 թթ. ընթացքում վերը նշված ծառայությունների ձեռք բերումը կատարել է մեկ անձից, և այդ նպատակով 2017թ.«Հավերժ հիշատակ» ՓԲԸ-ի հետ կնքվել են թվով երեք պայմանագրեր, ընդհանուր գումարով 4,334.2 հազ. դրամի, 2018թ.՝ «Գյումրու զբոսայգիներ և պուրակներ» ՀՈԱԿ-ի հետ կնքվել են թվով 4 պայմանագրեր, ընդհանուր գումարով 3,699.0 հազ. դրամի:

Առկա է անհամապատասխանություն «Գնումների մասին» ՀՀ օրենքի 23-րդ հոդվածի մասով, այն է.

Գնումը կարող է կատարվել մեկ անձից, եթե՝

1) գնման ենթակա ապրանքը, աշխատանքը կամ ծառայությունը հնարավոր է ձեռք բերել միայն մեկ անձից, որը պայմանավորված է նրա հեղինակային և հարակից իրավունքներով, հատուկ կամ բացառիկ իրավունքի առկայությամբ.

2) արտակարգ կամ չնախատեսված այլ իրավիճակի առաջացման հետևանքով ծագել է գնման անհետաձգելի պահանջ և, արտակարգ կամ չնախատեսված այլ իրավիճակից ելնելով, գնման այլ ձևերի կիրառումը ժամկետի առումով անհնար է, պայմանով, որ նման պահանջը հնարավոր չէր օբյեկտիվորեն կանխատեսել.

4) գնման գինը չի գերազանցում գնումների բազային միավորը:

Առկա է անհամապատասխանություն «Գնումների մասին» ՀՀ օրենքի 25-րդ հոդվածի 1-ին մասի 1-ին կետի մասով՝ այն է.

1) Արգելվում է մեկ գնման առարկան բաժանել առանձին չափաբաժինների՝ մրցակցային գնման ձևի կիրառումից խուսափելու նպատակով:

Ըստ պայմանագրերին կից տեխնիկական բնութագրերի՝ մեկ թափոռ կենդանու համար սահմանվել է վնասերծման վճար՝ 1400 դրամ, բանվորի վճարը մեկ օրվա համար կազմել է